

REGIONAL NEWS UNIT  
ALL INDIA RADIO, AGARTALA  
Date: 09-06-2024  
Time: 10:10-10:20 PM Hrs  
BENGALI EVENING BULLETIN

---

Headlines :

- (১) দেশের প্রধানমন্ত্রী হিসেবে টানা তৃতীয়বারের মতো শপথ নিলেন নরেন্দ্র মোদী ।
- (২) পূর্ণমন্ত্রী হিসেবে শপথ নিয়েছেন ৩০ জন, রাষ্ট্রমন্ত্রী হিসেবে শপথ নিয়েছেন ৪১ জন ।
- (৩) শপথ গ্রহণ অনুষ্ঠানে উপস্থিত ছিলেন প্রতিবেশী দেশের রাষ্ট্র প্রধানগণ ।
- (৪) টিসিএ পরিচালিত সদর আন্ত: স্কুল মেয়েদের টি-২০ ক্রিকেট আজ তিনটি খেলা অনুষ্ঠিত হয় ।

\*\*\*\*\*

Oath talking :

দেশের প্রধানমন্ত্রী হিসেবে টানা তৃতীয়বারের জন্য শপথ নিলেন নরেন্দ্র মোদী। আজ সন্ধ্যায় রাষ্ট্রপতি ভবনে মনোজ্ঞ অনুষ্ঠানে রাষ্ট্রপতি দ্রৌপদী মুর্মু প্রধানমন্ত্রী পদে নরেন্দ্র মোদিকে শপথ বাক্য পাঠ করান।

##### Byte #####

পরে রাষ্ট্রপতি মন্ত্রিসভার অন্যান্য সদস্যদেরও শপথ বাক্য পাঠ করান। আজ পূর্ণমন্ত্রী হিসেবে ৩০ জন এবং রাষ্ট্রমন্ত্রী হিসেবে ৪১ জন শপথ নেন। পূর্ণমন্ত্রী হিসেবে শপথ নিয়েছেন রাজনাথ সিং, অমিত শাহ, নীতিন জয়রাম গড়করি, জগত প্রকাশ নাড্ডা, শিবরাজ সিং চৌহান, নির্মলা সীতারামন, এস. জয় শংকর, মনোহর লাল খট্টর, কুমারস্বামী, পিযুষ গোয়েল, ধর্মেন্দ্র প্রধান, জিতন রাম মাঝি, লালন সিংহ, সর্বানন্দ সনোয়াল, ড: বীরেন্দ্র কুমার, কে রামমোহন নাইডু, প্রহ্লাদ যোশী, জুয়েল ওরাওঁ, গিরিরাজ সিং, অশ্বিনী বৈষ্ণব, জ্যোতিরাদিত্য সিন্দিয়া, ভূপেন্দ্র যাদব, গজেন্দ্র সিং শেখাওয়াত, অন্নপূর্ণা দেবী, কিরণ রিজিজু, হরদীপ সিং পুরী, মনসুখ মান্ডবিয়া, জি কিষন রেড্ডি, চিরাগ পাসোয়ান, সি. আর পাতিল।

এছাড়া, রাষ্ট্রমন্ত্রী হিসেবে ৪১ জন শপথ নেন।

\*\*\*\*\*

#### Homage :

প্রধানমন্ত্রী নরেন্দ্র মোদী আজ সকালে নতুন দিল্লিতে রাজঘাটে গিয়ে জাতির জনক মহাত্মা গান্ধীর প্রতি শ্রদ্ধা জ্ঞাপন করেন। তিনি সঁদৈব অটল-এ গিয়ে প্রাক্তন প্রধানমন্ত্রী অটল বিহারী বাজপেয়ীর প্রতিও শ্রদ্ধা জ্ঞাপন করেন। প্রধানমন্ত্রী মোদী জাতীয় যুদ্ধ স্মারক-এ পুষ্পার্ঘ্য নিবেদন করে শহিদ বীর সেনানীদের শ্রদ্ধা জানান।

আজকের শপথ গ্রহণ অনুষ্ঠানে প্রতিবেশী দেশগুলির বেশ কয়েকজন রাষ্ট্র প্রধানরা উপস্থিত ছিলেন। এদের মধ্যে বাংলাদেশের প্রধানমন্ত্রী শেখ হাসিনা, শ্রীলঙ্কার রাষ্ট্রপতি রনিল

বিক্রম সিংঘে, মালদ্বীপের রাষ্ট্রপতি ড: মহম্মদ মইৎজু, সেসেলস-এর উপরাষ্ট্রপতি আহমেদ আফিফ, মরিশাসের প্রধানমন্ত্রী প্রবিন্দ কুমার জুগনাউথ, নেপালের প্রধানমন্ত্রী পুষ্প কুমার দহল প্রচন্ড এবং ভুটানের প্রধানমন্ত্রী শেরিং টোবগে ।

\*\*\*\*\*

#### **Oath talking Ceremony:**

আজকের শপথ গ্রহণ অনুষ্ঠানে প্রতিবেশী দেশগুলির বেশ কয়েকজন রাষ্ট্র প্রধানরা উপস্থিত ছিলেন। এদের মধ্যে বাংলাদেশের প্রধানমন্ত্রী শেখ হাসিনা, শ্রীলঙ্কার রাষ্ট্রপতি রনিল বিক্রম সিংঘে, মালদ্বীপের রাষ্ট্রপতি ড: মহম্মদ মইৎজু , সেসেলস-এর উপরাষ্ট্রপতি আহমেদ আফিফ, মরিশাসের প্রধানমন্ত্রী প্রবিন্দ কুমার জুগনাউথ, নেপালের প্রধানমন্ত্রী পুষ্প কুমার দহল প্রচন্ড এবং ভুটানের প্রধানমন্ত্রী শেরিং টোবগে ।

\*\*\*\*\*

#### **CPP Meeting:**

কংগ্রেস সংসদীয় দলের চেয়ারপার্সন সোনিয়া গান্ধী বলেছেন সংসদে দলের সদস্য সংখ্যা উল্লেখযোগ্য হারে বৃদ্ধি পেয়েছে । নতুনদিল্লিতে কংগ্রেস সংসদীয় দলের বৈঠকে বক্তব্য রাখতে গিয়ে তিনি এ মন্তব্য করেন । তিনি আরও বলেন, সংসদে শুধু যে কংগ্রেস একটি বড় দল হিসেবে উঠে এসেছে তাই নয়, সেই সঙ্গে ইন্ডিয়া ব্লকের অংশীদারদের শক্তি আরও বৃদ্ধি পেয়েছে।

\*\*\*\*\*

#### **Tree Plantation:**

তৃতীয়বারের জন্য প্রধানমন্ত্রী হিসাবে নরেন্দ্র মোদির শপথ গ্রহণ স্বরণীয় করে রাখতে শ্রেষ্ঠ ভুবন সামাজিক সংস্থার উদ্যোগে ইন্দ্রনগর সংহতি ক্লাব সংলগ্ন এলাকায় বৃক্ষরোপণ কর্মসূচি আয়োজন করা হয়। সংস্থার সভাপতি বিপুলকান্তি ভৌমিক জানিয়েছেন, পরিবেশকে নির্মল ও সুন্দর রাখতে এই ধরনের কর্মসূচি প্রতিমাসেই অনুষ্ঠিত হবে। বৃক্ষরোপণ কর্মসূচিতে সংস্থার অন্যান্য কর্মকর্তারা উপস্থিত ছিলেন।

\*\*\*\*\*

**letter to DGP:**

এডিসি'র সাবজোনাল ডেভেলপমেন্ট অফিসার এবং ডেপুটি প্রিন্সিপাল অফিসার পদে পরীক্ষার আগেই উত্তরপত্র ফাঁস হওয়ার ঘটনার সুষ্ঠু তদন্তের দাবী জানিয়েছেন তিপরী মথা দলের নেতা প্রদ্যুৎ কিশোর দেববর্মা । রাজ্য পুলিশের মহানির্দেশকের কাছে লেখা এক চিঠিতে অভিযুক্তদের চিহ্নিত করে তাদের বিরুদ্ধে আইনি ব্যবস্থা নেওয়ার দাবী জানান তিনি। এই ঘটনায় ইতিমধ্যেই পশ্চিম থানায় একটি অভিযোগ দায়ের করা হয়েছে বলেও তিনি জানিয়েছেন। এদিকে, পশ্চিম থানার পুলিশ জানিয়েছে, উত্তর পত্র ফাঁসের ঘটনায় একজনকে আজ গ্রেপ্তার করা হয়েছে। উল্লেখ্য, আজ ১১০টি শূন্য পদে ২৬ হাজার পরীক্ষার্থীর বসার কথা ছিল। গতকালই পরীক্ষা স্থগিত করে দেওয়ার কথা জানান এডিসি'র মুখ্য কার্যনির্বাহী আধিকারিক সি কে জমাতিয়া ।

\*\*\*\*\*

**A.R.D.D:**

অধিক দুগ্ধ উৎপাদনের লক্ষ্যে উত্তর-পূর্বাঞ্চল পর্ষদ বা N.E.C এর অর্থানুকূলে উনকোটি জেলার মোট ত্রিশজন সুবিধাভোগীকে উন্নত জাতের সংকর জাতীয় গাভী দেওয়া হবে।

প্রাণীসম্পদ বিকাশ দপ্তরের উপ-অধিকর্তা ডাঃ সঞ্জয় অধিকারি জানান, বর্হিরাজ্য থেকে গাভী গুলিকে আনা হবে। সুবিধাভোগীদের বিনামূল্যে গাভী দেবার পাশাপাশি গাভী পালনের ঘর ও গো-খাদ্য সরবরাহ করা হবে। এক্ষেত্রে প্রত্যেক সুবিধাভোগীদের জন্য অর্থরাশি ব্যয় হবে নব্বুই হাজার টাকা করে।

ডাঃ অধিকারী জানান, কৃত্রিম প্রজননের মাধ্যমে জন্ম নেওয়া বাছুরদের জন্য খাদ্য সরবরাহ করার উদ্যোগ নেওয়া হয়েছে। জেলার 530 জন প্রাণীপালককে তাদের বাছুরের জন্য 240 কে,জি করে গো-খাদ্যের অর্থ ব্যাঙ্ক অ্যাকাউন্ট এর মাধ্যমে প্রদান করা হবে।

\*\*\*\*\*

#### **Victory Rally at Srinagar :**

লোকসভা নির্বাচনে এনডিএ জোটের বিজয়ে আজ সাব্বরুম মহকুমার শ্রীনগর বাজারে বিজেপি দলের উদ্যোগে এক মিছিল অনুষ্ঠিত হয়। মিছিলটি বাজার এলাকা পরিক্রমা করে। পরে এক সভায় বিজেপির দক্ষিণ জেলা সভাপতি শংকর রায় সহ স্থানীয় নেতারা বক্তব্য রাখেন।

\*\*\*\*\*

#### **Blood Donation Sushanta:**

জিরানিয়া বড়জলা বীণাপানি বিদ্যালয়ে আজ বিজেপি'র জনজাতি মোর্চার উদ্যোগে অনুষ্ঠিত হয় রক্তদান শিবির। শিবিরের উদ্বোধন করেন পর্যটন মন্ত্রী সুশান্ত চৌধুরী। অনুষ্ঠানে উপস্থিত ছিলেন মজলিশপুর বিজেপি মন্ডল সভাপতি গৌরাঙ্গ ভৌমিক, জিরানীয়া পঞ্চায়েত সমিতির ভাইস চেয়ারম্যান প্রীতম দেবনাথ, জনজাতি মোর্চার মন্ডল সভাপতি সুধন দেববর্মা প্রমুখ।

\*\*\*\*\*

#### **CITU statement :**

মেলাঘরের দক্ষিণ তৈবান্দাল এ ডি সি ভিলেজে নেউরামুড়া জে বি স্কুলে পানীয় জলের কুয়া পরিষ্কার করতে গিয়ে রিং ওয়েলের ভেতর তিন শ্রমিকের মৃত্যুর ঘটনায় গভীর উদ্বেগ প্রকাশ করেছে সিআইটিইউ রাজ্য সম্পাদকমন্ডলী। সি আই টি ইউ এবং নির্মাণ শ্রমিক ফেডারেশন নিহত তিনজন শ্রমিকের পরিবারকে পর্যাপ্ত আর্থিক সাহায্য দেওয়ার দাবি জানিয়েছে।

\*\*\*\*\*

#### **Congress Meeting:**

আসন্ন পঞ্চায়েত নির্বাচনকে সামনে রেখে আজ আগরতলার কংগ্রেস ভবনে অসংগঠিত শ্রমিক সংগঠনের উদ্যোগে এক বৈঠক অনুষ্ঠিত হয়। বৈঠকে পঞ্চায়েত নির্বাচনের প্রস্তুতি সম্পর্কে সংগঠনের ভূমিকা নিয়ে বিস্তারিত আলোচনা হয়। বৈঠকে উপস্থিত ছিলেন বিধায়ক গোপাল রায়, সংগঠনের সম্পাদক শান্তনু পাল সহ অন্যান্যরা।

\*\*\*\*\*

#### **Death of Bangladeshi smuggler:**

সোনামুড়া মহকুমার কলমচৌড়া থানাধীন ভারত-বাংলাদেশ আন্তর্জাতিক সীমান্তের আদমপুর এলাকায় আজ সকালে বি.এস.এফের গুলিতে এক বাংলাদেশি পাচারকারী নিহত হয়েছে। অতিরিক্ত পুলিশ সুপার আমাদের সিপাহীজলা জেলা প্রতিনিধিকে জানিয়েছেন, চিনি পাচার কালে জীবন ও সম্পত্তি রক্ষায় বি.এস.এফ গুলি চালালে ওই পাচারকারীর মৃত্যু হয়। উল্লেখিত, এলাকায় তল্লাশি চালিয়ে কয়েকটি অস্ত্র ও বিপুল পরিমাণ চিনি উদ্ধার করা হয়েছে।

এদিকে, বক্সনগর প্রাথমিক স্বাস্থ্যকেন্দ্রে নিহত বাংলাদেশি পাচারকারীর ময়নাতদন্ত করা হয়। বিকেলে দু-দেশের সীমান্ত রক্ষী বাহিনী বি.এস.এফ ও বি.জে.বির মধ্যে পতাকা বৈঠকের পর মৃত পাচারকারীর দেহ হস্তান্তর করা হয়।

\*\*\*\*\*

#### **IMD-Forecast :**

ভারতীয় আবহাওয়া দপ্তর আগামী চারদিন পূর্ব ও মধ্য ভারত জুড়ে তাপপ্রবাহের সতর্কতা জারি করেছে। দপ্তর সূত্রে জানা গেছে উত্তরপ্রদেশ, মধ্যপ্রদেশ, ঝাড়খন্ড, বিহার, পশ্চিমবঙ্গ, উড়িষ্যা, পাঞ্জাব এবং হরিয়ানাতে জুন মাসের ১২ তারিখ পর্যন্ত এই তাপপ্রবাহ অব্যাহত থাকবে। পূর্ব ভারতে সর্বোচ্চ তাপমাত্রা আগামীকাল পর্যন্ত ২ থেকে ৩ ডিগ্রি বৃদ্ধি পাবে এবং উত্তর-পশ্চিম ভারতে আগামী ৪ দিন সর্বোচ্চ তাপমাত্রা ৩ থেকে ৪ ডিগ্রি সেলসিয়াস বৃদ্ধি পাওয়ার সম্ভাবনা রয়েছে।

আবহাওয়া দপ্তর আরও জানিয়েছে, আগামী ৫ দিন হালকা থেকে মাঝারি বৃষ্টিপাতের সঙ্গে ঝোড়ো হওয়া বয়ে যেতে পারে উত্তর-

পশ্চিম ভারত ও পশ্চিমবঙ্গ, বিহার, ঝাড়খন্ড, উড়িষ্যা, মধ্যপ্রদেশ এবং ছত্তিশগড় অঞ্চলে ।

এদিকে, দক্ষিণ পশ্চিম মৌসুমী বায়ু উত্তর ও মধ্য আরব সাগর সহ মুম্বাই-এর বিভিন্ন স্থানে সক্রিয় হয়ে উঠেছে । এরফলে আগামীকাল পর্যন্ত ভারী থেকে অতিভারী বৃষ্টিপাতের সম্ভাবনা রয়েছে দক্ষিণ কোঙ্কন, গোয়া, দক্ষিণ-মধ্য মহারাষ্ট্র, উপকূলীয় এবং উত্তর কর্নাটকে ।

\*\*\*\*\*

#### **Women Cricket:**

টিসিএ পরিচালিত সদরের আন্তঃস্কুল মেয়েদের টি-২০ ক্রিকেটে আজ তিনটি খেলা হয়। নরসিংগড়ের পিটিএ মাঠে সকালের খেলায় বড়দোয়ালী স্কুল ৯ উইকেটে প্রাচ্য ভারতী স্কুলকে এবং দুপুরে একই মাঠে বিদ্যাসাগর স্কুল ১৮৬ রানে প্রাচ্যভারতী স্কুলকে পরাজিত করে। অপরদিকে নরসিংগড়ের পঞ্চায়েত মাঠে প্রণবানন্দ বিদ্যাভবন ৮ উইকেটে নন্দনগর স্কুলকে হারিয়ে দেয়।

\*\*\*\*\*

#### **Weather:**

রাজ্যের বিভিন্ন জেলায় আগামী ২৪ ঘন্টায় বজ্র বিদ্যুৎ সহ হালকা থেকে মাঝারি বৃষ্টিপাতের সম্ভাবনা রয়েছে । তাপমাত্রা থাকবে সর্বোচ্চ ৩৪ এবং সর্বনিম্ন ২৭ ডিগ্রি সেলসিয়াস । আজ দিনের সর্বোচ্চ তাপমাত্রা ছিল ২৯.৪ এবং সর্বনিম্ন তাপমাত্রা ছিল ২৬.৮ ডিগ্রি সেলসিয়াস ।

\*\*\*\*\*

\* \* \* \* \*